



էր...  
Նախագ. (Բերանացի և այլևս շուտ).  
—Տառերի գիւտի 1500-ամեակն ու  
տպագրութեան 400-ամեայ յորհեակն-  
ները:

Զօհրար.—Գեո ատոր համար բան  
մը չըսինք կարծեմ:

Նախագ.—Հապտ ինչի՞ մասին էի  
կարդում մինչև հիմայ, ասացէք  
խնդրեմ:

Հ. Առաք. (Ոտքի ելլելով).—Ես զը-  
նում եմ:

Քանի մը հոգի՞ իրենց կակուղ բեռը  
կը վերցնեն աթոռներու վրայէն ու  
գէպի դուռ կը գիմեն:

Արշ. Զոպան.—Ո՛ւր կերթաք:

Հ. Առաքել.—Նախագահ ընտրելու  
Մենք ունենք հոգևոր մարմին, կաթո-  
ղիկոս, պատրիարք...

Չախնբ՝ նստողներու կողմէն.—  
Պատրիարք չունինք. հրաժարած է...

Հ. Առաք. (Յանկարծակիի գալով).—  
Ի՞նչ էք ասում... Բայց ինչ էլ լինի,  
ես էլ հրաժարում եմ այս խառնածո-  
ղովին մասնակցելուց. ես սովորել եմ  
խաղաղութեան ժողովներին: (Իր հետ  
ելլողներուն). Գնանք, գնանք...

Ռ. Զարդարեան.—Կամացուկ մը տե-  
ղէն ելլելով և հետևելով դուրս ելլող  
Առաքելիանին. —Շճ՝ալ .. շառաշուն  
ապտակ մը՝ արդէն տեղաւորած  
«Մշակի» մեծ. խմբագրի երեսին...

Առաքելեան.—Պալիցիա... Պոլից-  
մանթեր...

— Պալիցիան Ռուսաստան մնաց.—  
լուսեցաւ նախագահի, Յ. Թումանեանի  
և այլն կողմէն:

Գ. Զօհրար.—(Իր տաք աթոռը օղիս  
մէջ՝ վազելով սպառնալից).—Առաջ  
40-ամեայ յորհեան մը գտաք, այսօր  
ալ նախագահի խնդիր, հա՛...

Քանի մը հոգի կը բռնեն Զօհրարը  
իր տաք աթոռով: Աղմուկ, կանչերու  
տուր ամէն կողմէ.

Հ. Առաք.—Այստեղ պալիցիա չկայ...

Ռ. Զարդար.—Գնա՛ր ժողովէն, Պոլ-  
սէն, դուրս Թուրքիայէն:

Զիֆթէ-Սարաֆ.—Համազգային բա-  
նը՝ պառակտումի պատճառ կըլլայ կոր:

Թէոդիկ.—(Մէկ կողմ քաշուած, ա-  
նոթին տակ հատորով մը), Բանի  
ձեկաւ «Տիպ ու Տառս», մեղք աշխա-

տանքիս:  
Արշ. Ալպոյաճեան.—Նախագահ պ.  
Լէօյի «Հայ գրքի տօնը» հազար ան-  
գամ լաւ էր քու «տիպ ու տառ»-էդ:

Հ. Առաք.—Անհետացաւ սպառնալից՝  
մէկ երկու համախոհներով: Ժողովա-  
կանները զրիթէ բոլորն ալ ոտքի  
ելած էին: Լէօ էֆ. իր տետրակը՝  
ոլորած ձեռքը բռնել էր՝ ի հարկին  
պաշտպանելու համար:

Արշակ Զոպանեան.— Առաջարկեց  
փակել ժողովը, վաղ անցնել այս 1500  
և 400 թւականներէն, և խաղաղ գի-  
տակցութեամբ մը պատրաստել քանի  
մը տարիէն տօնելու տառերու գիւտին  
1600-ամեակն ու հայ տպագրութեան  
500-ամեակը: Այս առաջարկը ընդուն-  
ւեցաւ անվերջ ծափերով...

Գ. Զօհրար.—Ըսաւ թէ մինչև այդ  
ատեն՝ ազգը պատած կըլլար կուս-  
րարներէ:

Զիֆ. Սարաֆ.—Ո՛վ ողջ պիտի  
մնայ որ...

Օտեան.—Ես կը ջանամ ողջ մնալ:

Բ. Քէչեան.—Ես ալ կրնամ ջանալ:  
«Բիւզանդիոնիս» կամ «Բիւզանդարա-  
նիս» ապագան անանկ ապահոված եմ,  
որ 500-ամեակ չէ՛ առաջ Աստուած  
տպագրութեան 2000-ամեակն ալ տես-  
նելու բախտը կունենամ:

Քէչեան էֆ -ն զրիթէ ինքնիրեն կը  
խօսէր այս ճառը, որովհետև ժողովա-  
սրանը հետզհետէ պարպելու վրայ էր:

Բոլորն ալ մեկնեցան՝ Հ. Առաքե-  
լեանի զրկիլիք ժանտարմին հանդի-  
պելու փոքր վախով, 2012 թւականին  
հասնելու մեծ յոյսով, և մանաւանդ  
ներկայ կրկին յորհեաններու պէլա-  
յէն այսպէս անակնկալ ճամբով վեր-  
ջապէս ազատած ըլլալու ամենամեծ  
հրճանքով:

Այսօրընէ, ուրիմե, թող հայու-  
թիւնը պատրաստի տօնել, կամաց-  
կամաց, մեր տառերու գիւտին 500-ա-  
մեակն ու հայ տպագրութեան 1600  
ամեակը:

Թղթակից \*\*\*

Օրինակող՝ Հ. Ղ. Բժիկեան